



समेयान सरबन्धी बवस्था गी सौक्खा बनाने मतलक LEADS रिपोर्ट आली एह उपलब्धि जम्मू-कश्मीर दे विकास गी दर्शादी ऐ- कीजे 2023 तगर साढ़े प्रदेश गी विकास दी तांग आली Aspirer श्रेणी च रक्खेआ गेदा हा- जिसले के 2024 च साढ़े प्रदेश गी बड़ी तेजिया कन्नै अगड़ा बधने आले दे तौर पर मान्यता हासल होई ही ते हून 2025 च बड़ी बधिया कारकरदगी आली श्रेणी च औना- जम्मू-कश्मीर दे ढांचागत विकास- नीतिगत समर्थन ते होरनें उपलब्धियें गी दर्शादा ऐ।

<><><><><><>

LG- Vibrant Vill

लैफ्टिनेंट गवर्नर मनोज सिन्हा होरें कुपवाड़ा च त्रेहगाम आले Vibrant Village दा कल दौरा लाइयें केई परियोजनाएं दा उदघाटन ते केईयें दा नीह पत्थर रक्खेआ। एल.जी होरें इस मौके पर इक बड्डे किट्ठ अग्गे भाशण दिंदे होई आखेआ जे प्रधानमंत्री नरेन्द्र मोदी हुंदे नेतृत्व तैहत भारत सरकार बन्ने आले ग्राएं दे चबक्खिए विकास लेई पूरी चाली वचनबद्ध ऐ। एल.जी होरें आखेआ जे ऐसे हर ग्रांs गी बधिया सिड़कां- आधुनिक स्कूल ते नौजवानें गी अग्गे बधने दे सुद्दे मौकें पक्क गै मिलने लोड़चदे न। श्री सिन्हा होरें आखेआ जे किट्ठे रलियें बन्ने आले ग्राएं गी आधुनिक ते आदर्श ग्रांs बनाने दा सुखना हासल कीता जाई सकदा ऐ। उनें आखेआ..

<><><><><><>

CM Thanks EAM

मुख्यमंत्री उमर अब्दुल्ला होरें कुबैत च सिड़क हादसे दरान जान मुहाने आलें जम्मू-कश्मीर दे 6एं बसनीकें दे पार्थिव अवशेष वापस आहन्ना जकीनी बनाने लेई बदेश मंत्री डाक्टर एस. जयशंकर हुंदा आभार जताया ऐ। मुख्यमंत्री होरें इस औक्खी घड़ी दरान सोगी परोआरें गी समें-

सिर सहायता उपलब्ध करोआने लेई कुबैत च भारत दे राजदूती दफ्तर दे जतनें दी सराहना बी कीती ऐ। ध्यानजोग ऐ जे जंदी 8 अप्रैल गी कुबैत च इक सिड़क हादसे दरान जम्मू-कश्मीर दे 6एं बसनीकें दी मौत होई गई ही। इंदे चा 5 जनें राजौरी दे राँहने आले हे जिसले के इक व्यक्ति पुंछ दा बसनीक हा।

<><><><><><>

Rana –Devp Works Poonch

जल शक्ति मंत्री जावेद अहमद राणा होरें कल PHE- सिंचाई ते हाड़े दी रोकथाम ते PWD मैहकमा पुंछ दे वरिष्ठ अधिकारिये कन्ने बैठक लाई। एह बैठक श्रीनगर आहले सचिवालय च लग्गी जेदे च जिले द विकास कम्में ते सरबन्धी मामले पर चर्चा होई। बैठक दरान सैक्टर स्हाबै प्राथमिकताएं- चला रदी परियोजनाएं ते योजना स्हाबै नमें प्रस्तावित कम्में पर विचार- विमर्श होआ। मंत्री होरें सेई तरीके कन्ने योजना बनाने- समें-सिर अमलावरी ते उपलब्ध संसाधनें दे सेई ते कारगर इस्तेमाल करने पर जोर पाया। उ'नें अफसरें गी हिदायत कीती जे ओह सालाना योजना च लोकें दी बुनियादी ते सेई जरूरतें गी उजागर करन त खासा ध्यान बुनियादी सहूलतें पर दिता जा।

<><><><><><>

DC Doda –Haj Pilgrims

डोडा दे डिप्टी कमीशनर कृष्ण लाल ते SSP डोडा होरें पवित्र मक्का यात्रा पर जाने आहलें हज श्रद्धालुएं दे इक समूह गी झंडी दस्सिये रवाना करोआया। 16 श्रद्धालुएं गी इस दौरान विदेआ कीता गेआ। एह श्रद्धालु दिल्ली लेई रवाना होए- जित्थुआं ओह अपनी अगली यात्रा पर जाडन। श्रद्धालुएं कन्ने गल्ल करदे होई डिप्टी कमीशनर ते SSP होरें सब्भनें गी हज यात्रा पर जाने दा

मौका थहोने आस्तै मुबारकबाद दिती। मगरा मीडिया कर्मिं कन्नै गल्ल करदे होई डिप्टी कमीशनर होरें आखेआ.

<><><><><><>

Satish –Aarohan

खेड्ढ मंत्री सतीश शर्मा होरें मुख्य दे युवाएं गी नशीले पदार्थ दी रोकथाम करने च अगुवाह बनने दी अपील कीती तां जे मुख्य प्रगतिशील ते सशक्त बनी सकै। एह गल्ल उ'नें श्रीनगर च आरोहन 2026 दे समापन समारोह गी सम्बोधित करदे होई आकखी। मुख्य भरै थमां आए दे Delegates गी सम्बोधित करदे होई मंत्री होरें युवा सेवा ते खेड्ढ मैहकमा जम्मू-कश्मीर दी सराहना कीती- जिंदे आस्सेआ राष्ट्रीय सतह दा कार्यक्रम आयोजित कीता गेआ। इस आयोजन च बक्ख-बक्ख राज्यें ते केन्द्र शासत प्रदेशें ते प्रतिभागिं हिस्सा लैता। उ'नें आखेआ जे आरोहन 2026 इक बेहतर ते साजगार मंच बनिए उभरेया ऐ- जेदे राए मुख्य दे युवाएं गी ऊर्जा- नमिए काहडे ते अगुवाह बनने दी समर्थ दा पता लगदा ऐ। मगरा मीडिया कर्मियें कन्नै गल्ल करदे होई मंत्री होरें आखेआ.

<><><><><><>

Dar –Gulmarg Convention Centre

राई-बाई मंत्री जावेद डार होरें कल गुलमर्ग आले कन्वेंशन सेंटर दा दौरा लाइयै उत्थे उपलब्ध सुविधाएं दा व्यापक निरीक्षण कीता। अपने दौरें दरान मंत्री होरें मजूदा ढांचे दी समीक्षा कीती ते सरबंधत अधिकारियें गी निर्देश दिता जे ओह सरकार आसेया सैलानियें लेई उपलब्ध करोआई जा'रदी सुविधाएं ते सेवाएं बारे असरदार ढंग्गें नै प्रचार जकीनी बनान। मंत्री होरें बक्ख-बक्ख मैहकमें बश्कार असरदार तालमेल दी जरुरतै पर बी जोर पाया तांजे दुनिया भरै च मशहूर इस

सैलानी थाहर दे बारे च मते शा मते लोकें गी जानकार बनाया जाई सकै। उ'नें इब्बी आखेआ जे गुलमर्ग- साढ़े देसै दी बेहतरीन सैलानी थाहरें चा इक्क ऐ ते जम्मू-कश्मीर दे सैलसफा खेतर लेई एह बड़ा मता महत्वपूर्ण बी ऐ।

<><><><><><>

GOC WKC-Kishtwar

व्हाईट नाइट कोर दे GOC लैफ्टिनेंट जनरल पी.के. मिश्रा होरें GOC Counter Insurgency Force मेजर जनरल Ajai Singh हुंदे कन्नै किशतवाड़ दा दौरा लाया ते कारवाइयें सरबंधी त्यारियें-माहौल ते चला रदे आतंकवाद रोधी कम्में -कारवाइयें दा जायजा लैता। इस दौरान खूफिया जानकारियां किट्ठियां करने- इलाके च स्थिरता बनाने ते बक्ख-बक्ख एजेंसिएं बश्कार तालमेल बनाइयै कारवाई करने पर खासी चर्चा होई- तां जे इलाके च शांति ते स्थिरता बनी दी रवै। बलें कन्नै गल्लबात दौरान कोर कमांडर होरें उन्दी निष्ठा- लड़ाई लेई म्हेशा त्यार रौहने आहले जज्बें ते म्हेशा सौहगा ते सर्तक रौहने लेई उन्दी सराहना कीती।

<><><><><><>

DC Kathua –Grievances

लोकें दिएं समस्याएं दा जमीनी स्तह पर हल कड्डने दे मकसद कन्नै कठुआ दे डिप्टी कमीशनर राजेश शर्मा होरें इक शिवर लाया। एह शिवर उ'नें नगरी ब्लाक च लाया। इस शिवर च मुकामी लोकें बड़े उत्साह कन्नै हिस्सा लैता। इस दौरान उ'नें अपनी मंगें ते शकैतें गी उन्दे अग्गे रक्खेया। शिवर दौरान डिप्टी कमीशनर ते बक्ख-बक्ख मैहकमें दे अफसरें लोकें कन्नै गल्लबात कीती ते उन्दे जायज मसलें गी सुनेआ। केई सारे मामलें दा हल करने लेई मौके पर

गै हिदायतां जारी कीतियां गेइयां। मगरा मीडिया कर्मिये कन्ने गल्ल करदे होई डी.सी. होरे  
आखेआ.

<><><><><><>